









2
P

172
76

МИХ. ИЛЬИНСКО

**РАСКИРО
ПОДЫПЗ**

ГИХЛ 1932

ОТДЕЛ
НАЦИОНАЛЬНОЙ ЛИТЕРАТУРЫ

Цыг.

2-84

МИХ. ИЛЬИНСКО

РАСКИРО ПОДЫПЭ

РОЗПХЭНЫБЭНА

Г.П.Б. в Лнгр.
Ц. 1933 г.
Акт № 38

ГОСУДАРСТВЕННОЕ ИЗДАТЕЛЬСТВО
ХУДОЖЕСТВЕННОЙ ЛИТЕРАТУРЫ

МОСКВА—ЛЕНИНГРАД

1932

Инд. №

144

ДУЙ РОМНЯ

Нэ шунэн сыр приавьяпэ тэ удыххэспэ дуге ромненгэ. Тэрдья пашэ фелатин екх семья, на кэ тумэ пхэны — чёрори, о бэдэ цыпо екхоро тэ и одова то и дыкх, со мурдэла. О чяворэ обрискирдэ и тыраха нанэ прэ гэра. Сари семья пиранги. Приавьяпэ э ромнякэ тэ джял прэ фелатин тэ драбакир э раня. Треби тумэнгэ, мрэ гиныбнаскирэ, тэ пхэнав, со ромнори сыс пэскири вастытко. Авья дрэ фелатин, подгыя ко балконо, кай сыс бэшлы э раны екхджины, тэ лыя тэ подракирпэ.

— Желанно раны, саво гожыма дрэ тутэ, савэ бахтыса ту владеешь тэ савэ инке дужакирна тут дэвлэскирэ милости, а кокори патря розчивэла ангил ранятэ. Дыкх, мри раны, баро рай кэ ту подмарлапэ, на тасав лэс э гэрэнца, ёв сы молпино... Ту дрэ пэскиро джиибэ бут манушэн хаськирэса пэскирэ якхэнца... Нэ-ж энакэ ада крали марлапэ паш тутэ, инке тукэ пхэнава, на отмарпэ лэстыр, сари бахт тыри дрэ лэстэ сы,—ракирдя э ромны, а э раны вчидя якха дрэ пхув, э чиб палэ на дэла.

— Мри раны, шун ман инке, со тукэ мэ пхэнава, мэ сом одоя манушны, сави джинэлапэ э

шынгэнца, мри раны. Тыри бибахт тэрдэ тутэ пало думо, о ром тыро сыго приавэла, фелатин тумари обчинэна, ачесапэ ту дрэ екх адалэ идя, савэ тутэ уридэ сы, — рипир миро лав. Нэ зака-мэс лачипэ, яв дро дэш мардэ ратяса, мэ ужаки-рава, тэ ян трин шэл стала кэ мэ дрэ шатра.

Мэкья страх прэ ранятэ, обрисия и гыя криго э ранятыр. Выгыя про баро дром тэ ракирла ко-кори пэскэ: докэдыём жэ э рання жыко ило э ла-вэнца, ратяса жэ розчинэла о ди лакиро, — янэла о ловэ... Одохты отдава э ромэскэ прэ грэндэ, тэ урьявасапэ сари семьица тэ и слава дэвлэскэ, дэвлэстыр хасёла бибахт амэнгэ.

Нэ саро адава шукар, нэ са жэ чяворэ дужа-кирна тэ хан, мэ на лыджява котэр маро, тэ и бэдэ гаспря нанэ, треби тэ рисёвав дро гав, тэ мангав мароро.

Прэ атасярла э Калы дыяпэ годякэ, со сы адава, состыр э раны на прилыя лакирэ фрэнта лава, на явья дрэ шатра про драбакирибэ, на поддыяпэ Калякирэ годякэ...

Нэ жэ мэндرو раны, ракирла пэскэ э Калы, на выухтя мири бахт, тэ джяв инке тэ сыкавав э страх на приавьяпэ.

Прогыя трин куркэ сыр ни кай на дыкхья э барэ рання э Калы. Екхвар бельвеляса э Калы ка-радя э зуми—о пхурором андя лаче мачен. Сари семья бэшлы пашэ яг, э пхурыдыр э чяй штопинэ индырака пэскэ, а дуй чяворэ чюрдэна про ван-гара пхувитка тэ пэтён. Пхурором ракирла э пху-ромнякэ:

— Шун-ка, Калы, кон-то джяла кэ шагра прэ грэндэ, шун, сыр марна грэнгирэ ная пиро пхув.

Дыкхэна и чячэ, сыр пхувьятыр выбаринэ дуй мануша прэ грэндэ. Калы отухтя э ягатыр. Дыкхэла фелатинатыр ада гожо раны тэ пхурэ ромэса. Заиздрандыя о трупэ э Калятэ, — ракирла ёй пхуромэскэ.

— Хасиям, традэна аври э лаче штэтостыр, а о рай сгыя э грэстыр.

— Гара тумэ лодлэ прэ мири пхув? Кон тумэнгэ дья прэ адава право, калэ? Адай лачё о гив хала тумаро цыпо... Кон лэла тэ плэскирэл пало адава?

— Мро рай, ту дыкхэса прэ мири семья, пирангэ сам тэ бокхалэ, сарэ обрискирдэ; карик тэ кэраспэ?.. Адай тутэ вэшоро, саво закэрла амэн манушытконэ якхэндыр, э чяр зэлыны сыр пэрныца ваш амэнгэ, тэ балвал сыр амари пхэн, сави совлякирла амарэ чяворэн... На традэ амэн, пирдал чён кокорэ уджяса дро гав. На лыне э рас лава. О рай припхэндя, собы ангил лэскирэ якха тэ скэдэмпэ тэ тэ уджян ада штэтостыр. Раны бэшлы прэ грэстэ ни лав, ни паш на пхэнэла.

Адыкэ приавьяпэ тэ скэдэспэ. Калы злыя ягатыр пири тэ вычидя на докэрады зуми кэ раннякирэ грэскирэ гэра. Пхурором задья андрэ цыпос тэ адыкэ и гынэ карик якха дыкхэна чёрорэ рома.

* * *

О рай э ранняса джяна дромэса, раны дыкхья дрэ дурипэн ромэнгирэ урдэнэскэ дрэ шпэра, шун-

длы сыс годла на макхнэ урдэнэскири, сыр роибэ
ровэла о ди раякиро. Танго сыс ромэн. Пхаро
сыс тэ дыкхэл раскирэ арманя.

* * *

Отгыя э филатинатыр Калякири семья, тэр-
дынэ дрэ набаро гаворо, кай и проджиндлэ жыко ив
ко чёро ро гаджёро. Калы псирлас тэ мангэл о маро тэ
кхас цыпоскэ, а э пхурыдыр э чяй Калякири адыкэ
жэ сыр и одохты обсывлас сари семья. О пху-
рором сыс кашуко, лэстэ на выджялас мостыр э
кирки, а о гаджёро, кэ саво тэрдынэ прэ штуба,
кэрлас буты, сывэлас гонэ э похтанэстыр, о чяво
лэстэ лыно сыс дро хэладэ дрэ германско марибэ.

Пиро бельвеля э Панька сыклёлас дро лыла.
Адыкэ поджиндлэ паш зима, э Панька лыя тэ
роскэдэллэ дро лыла.

Екхвар ратяса яндлэ э хуласкэ о лыл. Захач-
кирдя э яг, лыя тэ гинэл хулай. Панька на сыс
суты, дыкхья прэ хуластэ сыр ёв гиндя. Прэ ата-
сярла э Панька гыя пало паны вэдрэнца, дыкхэла
о хулай бэшло ко кхэр, гинэлā одова жэ лыл, а
кокорэстэ тхадэна о ясва якхэндыр э Панькакиро
ди закарадыя, танго лакэ ачья лаче хулас.

— Како, пхэн сави беда прэ тутэ сы? — пучья
Панька.

— На, мэ на бидатыр ровава, а радатыр, —
пропхэндя хулай, а кокоро сыгыдыр загарады о
лыл.

Коли сарэ уштнэ и сыс бэшлэ пало скаминд
пинэ о драб би сахарискиро, э калэ марэса тэ ло-

нэса. Э Панька бэстя палэ буты; ёй помогискирдя хуласкэ. Сджиндлэпэ амарэ рома лэса — сыр пэс-кирэ ачнэ. Лакэ камьяпэ тэ допучел э хуластыр. Тхава рискирдёна э холятыр. Сывэла огонэ, чидя о похтан про чянга, дыкхэла прэ хуластэ, а о хулай пирьячья тэ сывэл, рикирла дрэ васта э сув обрискирдя о тхав тэ пучела э Панькатыр, со сы адава со тутэ рискирдёла о тхав пало тхав.

— Мро, како-лэ, мангэ загарадыя дро шэро тыро лыл.

Розпхэз мангэ со чинэна, сави рада или бида одой сы.

О хулай стходя о васта про колын, подыкхья набут тэ ракирла:

— Мри чяёри, ту джинэс одова, со барвало мануш екхджино дживэла миштэс шукар, а тысенцы мануша бокхатыр мэрна, обрискирдэ и пирангэ. Набут ачьяпэ и чёрорэ мануша авэна англатунэ, а барвалэ авэна палатунэ, на авэла лэнгэ штэто про пхув. Окэ со андя лыл.

* * *

Сыго адалэ дывэсэстыр авья ратяса хуласкиро чяво хэладыбнастыр дрэ рискирдо тэ мэлало урибэн, паш васт сыс лэстэ отлыно марибнастыр — э шрапнель попя лэскэ дро васт. Захачькирдэ яг сарэ уштнэ, тходя э Панька пибнаскиро, о хулай газдыя ада роибэ тэ приакирла:

— Со жэ ту ачьянпэ би вастэскиро ваш со о крали рат сыр рэка вымэкья манушытко.

А о хэладо сала тэ ракирла:

— На ров, пхуро мро дад, бутитка гадже змар-на э тагарис, тэ хасякирна э барвалэ манушэн. Ту чиндян дро лыл, рая пинэ амаро рат, акаа амэ ласа тэ пьяс...

Нэ мэ джява тэ пасёвав, а атася розпхэнава сыр амэн хохадя о крали.

Подгаздыяпэ про бов екхэ вастэса и пасия умардо...

Акана треби, мрэ гиныбнаскирэ, тэ рисёвав набут палэ. Чють зорица захачия, устя э раны пасибнаскирьятыр, хасинэ лакирэ гожа калэ якха ада ратятыр, дрэ сави ёй на закэрдя о цымблы. Откэрдя э фэнштра тэ мэкэл прэ пэстэ балвал. Дра да само моло гыя пхурыдыр прэ сарэ бутярендэ, гаджэ здыкхья прэ фэнштра и настя ко рай тэ розпхэнэл.

Со то кэрдяпэ раняса. Ёй бэшлы пашыл пэскири фэнштра тэ ровэла. Джянте, мро рай. О рай рисия кэ раны. Ухтылдя ла пало бала притырдыя кэ штала, припхэндя тэ марэн э раненца тэ жыко одова мардэ, со злучкирдэ з цыпа э думэстыр. Одо дывэстыр спасия э раны. Пирдал дуй куркэ лыя тэ састёл о думо. Запыя ранякэ дро шэро: сыр тэ нашэл ада рувэстыр,—взрипирдя пэскиро пхурано джиибэн.

* * *

Э Кунькатэ о дад сыс чёро ро мануш. На сыс кофари, э семья сыс бари, э пхуромны рикирлас сари семья драбакирибнаса, зумавэлас э гаджен савэ рикирнас о банзы дрэ барэ гава. Кунька лыя

тэ подбарьёл, пэса сыс лачинько одохты ла лыджия э дай кэ пэскирэ, ёнэ багандлэ дро хоро. О рая лынэ ласа тэ бэшэн. Кокоро о дирижоро дыкхи адава, со пашэ Кунькатэ виисонас о рая, лыя ла тэ сыклякирэл тэ багал. Напроджялас екх дывэс, собы Кунькаса тэ на бэшэн о рая. Поджялас о дирижоро кэ Кунька сыклякирлас тэ кхарэл э ран тэ шунэн о хоро. Каждо бельвель чивэлас пэскэ дрэ кисык о дирижоро по дуй—трин шэл састэ пало адава то Кунька сыс дрэ тимин э дирижоростэ. Тэ адыкэ прогыя бэрш. Пало Кунькакиро састыпэ пьелас о дирижоро, чёрлас хорова гаспря. Явэнас кэ ёв про дележки, а э бутярны на откэрлас э штубакири порта, а только пхэнэлас со рай угыя. Адыкэ чёrorэ мануша чямудэнас э портакири клыдын, тэ отджянас кхэрэ; лэнас о бэдэ шматы тэ лыджянас сумады, а на так багана рат тэ дывэс, а о дирижоро выджяла тэ пхэнэла „Чявалэ о ловэ палэ растэ, прэ курко отдэла, а проджялас о курко авэла о рай.

— Чявалэ тэ баган... Отбагандлэ выгынэ кабинетостыр дыкхэна дрэ клыдынитко скважына, бут дэла о рай, а о дирижоро думэса кэ порта тэрдо. Наудыкхэна, выгыя э кабинетостыр о дирижоро ракирла:

— Мро шэро тэ гаравав, чявалэ, пало одо бельвель, кай банго ачъяпэ отдыя кхэтанэ трин шэл, — энакэ сарэ.

Бахт мангэ, адыкэ сыкавэла, со сы дрэ васта лэстэ, а дрэ кисык замэладо бутыр дро дуй молы, чёрдя по паш э Кунькаса, ёй сыс лэса дрэ бажын,

латыр лэскэ тэ на учёрэл. О рай пучела Кунька-
тыр кицы тэ плэскирэл пало пэр.

Кунькакиро джиибэ прогья дрэ хоро на кя бут,
пирдал трин бэрш унастя ёй палэ пхуранэ растэ,
савэстэ сыс лэскирэ на екх фелатин. Нэ на миш-
тэс гыя джиибэн ада рувэса. Дандырдя пэскирэ
васта Кунька, нэ сыр тэ нашэл, латхэла—умарла..
Ха марды—и на ха марды. А кана Кунькатэ ачъя
дрэ годы тэ розпхандэлпэ лэса. Коли подсастьякир-
дяпэ Кунька, лья э яг тэ подхачькирдя порныца,
кокори выухтя э фэнштратыр, чюрдыяпэ прастын-
дой дро вэш. Обдыкхьяпэ палэ, дыкхэла, со ла-
кири штуба хачёла сыр момолы, гавэстыр джяна
мануша кон э товэрэса, кон соса... Рат сыс чер-
гэнитко; Кунька загарадыя пало дэмбо, тэрды,—
дыкхэла, карик ёнэ зрискирна, а э фелатин хачёла,
шунэла о глося э Кунька. Кон то багандя гилы—
кралис арманя придыя. Кунька радысола адалэ
гилякэ.. О рат выпинэ лакэ и тэрнэ бэрша сханэ
ада барвалэ рая...

Сарэ сы пашлэ. Чють болыбэн лья тэ парнёл,
а хуласкиро чяво са розракирдя тэрнэнгэ сыр би-
киндя о тагари манушытка джидэ маса, тэ палсо
отल्या э чяворэн тэ дадэн семьятыр, тэ кицы рата
рэкаса прочидэ, тэ кицы жэ ясва манушытка выт-
хадынэ. Змардэ сатаки кралис бутярья.

И окэ коли Кунька гарадыя пало дэмбо ла
поддыкхнэ, хабись нашэна хулая. Зарикирдэ ла,
газдынэ о килэ прэ латэ, а о хэладо подухтя.

— Тердён, треби тэ розпучен латыр, кай сы
о рай. Э Кунька ракирла.

— На пуч мандыр, ёв ачъяпэ тэ пасёл, мэ под-
хачькирдём фелатин, кокори пыя пал пэстэ. Со кэр-
дяпэ дурыдыр э Кунька на рипирла. Откэрдя як-
ха, кокори пэскэ на патяла, пашлы сы дро гавитко
кхэр, прэ пхус пашыл латэ бэшлы тэрны романы-
чяй, а ко скаминд бэшлы пхуромны пхуромэса.
Э Кунька лыя тэ вдыкхэлпэ дрэ пхуромнятэ, уга-
лыя одола, кон сыс кэ ёй тэ драбакир.

— Бибо,—задыя годла, со манца кэрдяпэ, сыр
мэ попыём адарик. Тэ прости́нэ ман, сыр пэскирэ
чя пало адава моло, сыр санас кэ мэ дрэ фелатин. Мэ
на пригальёмпэ кэ ту. Пхуромны чюрдыяпэ кэ
ёй и зарундя кокори.

— Тро рай схачия дрэ яг. Кай дживаса э хула-
скиро чяво сы барыдыр про гав, лэс выкэдынэ о
гадже, мануш лачё.

Дро паш дывэс авья и хэладо, э Кунька сыс
бэшлы пало скаминд, бэстя пашыл латэ лыя тэ
розпучел, кон сы ёй тэ сыр попыя дрэ фелатин
раняса, э Кунька розпхэндя саро на счёрдя ни лав.
Ракирла о хэладо Кунькаса, а кокоро о якха на
отлыджяла латыр. А э Кунька и кокори задыкхья-
пэ прэ лэстэ. Ракло учё тэ стройно тэ кокоро пэ-
са манушваро. Оракло и ракирла прэ Кунькатэ—
продживэса шылало времицо кэ амэ, а одой вы-
кэдэса дром пэскэ.

Пирдал курко яндя о хэладо швейна машины
дрэ гавитко клубо, тэрны раклори дрэ лоло дык-
хло сыклякирдя сарэ джювлен тэ сывэн. Сыклы-
нэ и Паня Кунькаса, а вэснакиро э Кунька выгыя
пало ром пало до хэладэстэ. А э Калы семьяса
угыя дрэ форо тэ сыклякирэл пэскирэ чявэн.
Адыкэ рома пирдал революцыя гынэ пиро нэво
лачё дром. Ёв кэрла ромэн барэ манушэнца.

О-РАСКИРО ПОДЫПЭН

— Добрыдень, мри даёри Дуньшэлэ.

— Здоров тукэ, Сашэлэ. Нэ сыр тумэндэ э тэрнэ дживэна?

— Миштэс... э тэрны, шануючи три бахт, трин чёна сыр пхари псирла... Барвало рай лэла тэ болэл.

— Нэ-нэ, мри патради, сыр тумэ дылнёна... Мрэ дадорэ... сож адава паш бэрш ачъяпэ тэ псирэл, а тумэндэ дрэ кириво о рай исы.

Адякэ ракирдэ пхуромня машир пэстэ дрэ холы екх прэ екхатэ.

* * *

Окэ прогья паш бэрш одо дывэсэстыр. Сыс лынай. Бэшлы Дуньша пашыл пэскиро кхэр прэ скамья, а Саша джяла э псирибнастыр.

— Со кэрэса?—подгья кэ Дуньша э Саша пучибнаса.

— Сывава индырака пэскэ.

Бэстя прэ пхув паш латэ.

— Нэ сыр здорово сан; тэ, джиды? Сарэ ли джидэ сы, тэ сыр дживэла э-тэрны?

— Э тэрнякэ бичядя дэвэл чяёрья... калинько.. Ада якха лакирэ сыр чергэня, бала ко псикэ, қо-

кори сыр пхабай, о муй лэ наёса—о рат джяла...
э мина прэ латэ бахталы... О рай—о кириво би-
чядя трушыл. Саро дро куч бара, а лакэ, тэрнякэ
прэ идя пхар, миштэс лачё, тэ ченя куче барэнца.
Нэ ж кэрдэ ада скаминд, тэ корьёвав мангэ на
хохавава, о бравинты уса куч... Ада хабэн, тэ лат-
хэл тут тэ ман, нэ на сыс екх чириклытко тхуд.
Пирикхэлдям сарэ: о тыкнэ и пхурэ... Тэ дэл дэ-
вэл бахт тэ талано ада чяёрьякэ... Тэ дылнён ада
рая пал латэ.

* * *

Дуй бэрша пхуромня на дыкхнэпэ, а акава
Саша явья тэ лодэл прэ пхураны штуба. Екхвар
приавьяпэ тэ джял мамуй одо кхэр, кай дживэла
ада пхуромны э Дуньша, камья тэ заджял дрэ
кхэр тэ поладжяндя, сыс рат. Нэ окэ прогья
дуй куркэ, гья дрэ кхангири э Саша,—дыкхэла
тэрды э Дуньша. Подгья ко ёй.

— Добрыдень, Дуньшалэ. Сыр здорово тэ
джида?

— Здоров тукэ, Сашалэ. Катыр о дэвэл яндя?
Выгынэ э кхангирьятыр. Бэшлэ сарэ дуй прэ
чяр. Э Дуньша вылыя э кирки, чидя пало ушт.

— Нэ сыр тумэ адай дживэна? Здорово ли сы
э тэрны?

— А со лакэ кэрлапэ, матушка, ла и бэнг на
лэла... Бияндя э чяворэс ваврэс Камья тэ болэл,
о рай на явья,—о вихро лэс джинэл... Ничи
на бичядя... Бибахт, э голотыня дрэ да чявэстэ..
Рикирдя про васта о ром,—Вано Кузьмэнгино...

О скаминд със рундло. Э тэрны дужакирдя
о сталя э растыр — э пэrvонэ киpивэстыр, а ёв
на бичядя, пригыяпэ тэ лыджял сумады о ченя тэ
трушыл чякиро, а одой на прилынэ, — о бара сы
харкунэ. Со тэ кэрэл? Лыя тэ бикиндя о идя.
Бичядя пало парны бравинта, тэ бэды ловина...
Матынэ о рома, розмардэпэ машкиp пэстэ. Саро
пиримардэ дрэ штуба. На камам тэ розпхэнав,
мри чиб на рисёла. Тэ вылыджян ада чяворэс
аври гэрэнца... Нэ прoстинэ, Сашэлэ, джява
кхэрэ... мэ кэрэн сыр камэн. Мангэ ачьяпэ набут
тэ дживав.

СУВНАКУНО МАЧЕ

Лаче бельвеляса, чявалэ, тумэн. Мэ тумэнгэ розпхэнава ваш пэскиро джиибэн. Джиндём мэ на кя шукир домараваспэ э цыпостыр жыко дэсто. Э семья мири със: мэ пхуромняса, тэ дуй чяя.

Кэрдям э вэсна пашэ фелатин. Выгьям пэ фэлда павдж семьи. Ромэндэ ада гэншты по дуй тэ по штар, а мандэ сывинько, бэдо, цыпа и о ная пхарадэ. Э шатра рискирды, кокорэстэ о шалниро саро заштопимэ, чяендэ, о бэдэ, три-вики: лато про лато. Э пхуромнятэ, шануючи тумари бахт сувнакаса, тэ рупэса тумарэ кана, индырака нанэ джидо штэто пэ латэ. Нэ адава мэк одой. Пьяса амэ ромэнца. Ада яг кэрдо баро. Ада бравинта пэса яндя ада ром, хабэна. Подбэстя паш мандэ тэ ракирла:

— Морэ, со ту рикирэса паш пэстэ, э бэды, чяен, ту отдэ лэн кэ мэ дро пэр. Ёнэ лэна тэ дживэн, сыр раня пэскэ нэж дро гава ту лэн сыклякирэса тэ скэдэн о маро, а дро форо лэна тэ дживэн — тукэ жэ прэ грасторэстэ скэдэна.



Мэ ж мато, мато, а розкэдыёмпэ. — чячипэн ракирла ром. Бахт тэ талано тукэ, мро дадоро, — ракирава лэскэ.

Нэ ушты по вавир дывэс, кэрдём трушыл, — э чяен отмэкьём э ромэса дро баро форо, э ромэс мангьём тэ раххэл, сыр пэскирэн э чяворэн.

Нэ окэ шунэн жэ, ромалэ, прогыя о лынай, пригыяпэ тэ лодав прэ штуба дро джиндло гаворо. Э чяя бичядэ мангэ лыл, чинэна: дадушко, нандырша палэ амэндэ, а камэс тэ явэс кэ амэ, одохты выбичываса ловэ про дром кэ амэ. Лэса сыр рай тэ дживэс. Прогиндём о лыл.

Дыям тэ ровас э пхуромняса и ракираса пригыяпэ тэ джяс ко чяя. Явьям дро баро форо, розродыям о кхэр, кай дживэна чяя, пучяса э гаджендыр.

— Где, батюшка, проживают наши дочери Палага и Марьюшка, в какой комнате?

А о гадже о якха пуравэна прэ амэндэ, ракирна:

— Вот в этой парадной живут две барыни, только, пожалуй, из французской породы, но не вашей,

Мэ ракирава э пхуромнякэ.

— Хасиям амэ, на латхаса э чяен пэскирэн. Шун, со, кандэ. Яв кэ мэ.. явэн дрэ пибнаскиро, пьаса гудло, пучяса ковэстыр нибудь, на джинэн ли лэн.

Загыям. Дыххава бут гадже бэшлэ исы... Дыххава пашо буфето али ром, али гаджэ, ёв дыкхэла прэ амэндэ и дэла годлы амэн.

— Конэскирэ тумэ?..

Мэ обрадысалыём, удыкхи э романэчявэс. Уридо, сыр рай. Лыём тэ ракирав.

— Ко чяя явьём тэ дживав.

Сыр кхарна лэн? — пучела мандыр ром.

Палагэ, а вавря Машынька.

— А джином мэ.

Уридяпэ, гыям кэ адава само крыльцо, дыкхава утходя дрэ ванта пальцо тэ тасавэл, а мэ думискирава на дылнандыя — ли о ром, дава э яхаса дрэ пхуромнятэ. Нэ окэ шунава отпхандя порты, выгыя бари раны.

Сейчас доложу барышням.

На прогыя мэнта, сыр отпхандя опять-таки.

— Милости просим, пройдите, мадмазели ждут вас в гостинной, — адава ракирдя одоя гожо раны. Мэ одохты дыкхава пэ ромэстэ, камьём тэ обкошав лэс, а ёв ракирла:

— Джя дрэ штуба, пхуро ром.

— Загыям, чюрдыяпэ ада раны тэ злэл мандыр о шалниро, а э пхуромны мири ракирла э ранякэ:

— Барыня, не трожь его, внизу рваная рубашка.

А ром тэрдо салапэ. Загыям дро гостинно. О чяя бэшлэ и муй палэ на дэна. Чюрдыямпэ лэн тэ чямудас, а лэндыр кхандэла сыр тагарицэндыр савэ-то дэвлэскирэ ксилэнца, нэ шукир кэрдэ.

Со явнэ адарик? — пучена, а кокорэ обкхосэна пэскирэ муя, — бэшэн, скэдэла э гаджи тэ хан.

Ада скаминд баро лэндэ. Висинэ ада лампа..
Ада яг хачёла — тэ дыкхэс нашты. Акэ дыкхава
Палага ухтылдяпэ пал сави-то сутуга, прикэрды
кэ лампа, тэ тасавёла э вастэса, дыкхава дро
порты вгыя э—раны.

— Что угодно, мадмазель?

— Скорей накрывайте на стол.

Мэ жэ о якха выпурадём, бэшло на джидо,
на муло, думискирава со — жэ дурыдыр явэла
лэндэр, а пхуромны бэшлы ровэла... Нэ-ж давай
тэ янэл дава миштыпэна мангэ, милость э дэв-
лэстыр, нахоховава, ромалэ, зачидя саро скаминд
ада раны.

— Нэ, акана ханте, — проракирдя э Ма-
шынька.

Нэ-ж прилёмпэ мэ. Пьява э-бравинта, сыр
рат лолы тэ гудлы. Матыём, чява, на рипирава
сыр ман чёдэ тэ пасёвав. Ушты пэ атасярла, на
джином сыр тэ выджав э 'комнататыр, тэрдо
машкир штуба о якха выпурадём, дыкхава, пада
пасинды, тэ роспхэнав наджином, саво мишты-
пэн исы пашыл. Со-ж дыкхава рув пашло, мыём
страхатыр, задыём годлы, шунава явэла кон-то,
откэрдя порта, загыя ада раны, тэ пучела ман-
дыр:

— Вам умыться подать?

А мэ ракирава:

— Барыня, выпусти меня из этой комнаты, я
хочу помыться у реки.

— Нет, у нас этого не полагается, — ракирла
раны.

Вымордѣмпэ, выгѣм. Э чяен нанэ, пхуромны бэшлы, о самоваро про скаминд. Мэ бэстѣм. Ду-жакираса э чяен, прогыя мардо, чяя сутэ, о гудло прошылыя, кэрдяпэ бельвель, уштлэ чяя. Шу-нава кудуни башавэна, прастала раны иденца, дыкхава выгынэ сарэ дуй, бэстям тэ хас. Залыд-жия о ракирибэн э Палага.

Кэ амэ атася явэла раклоро, дэла о сталя прэ грэндэ тукэ.

— Мэ дэл дэвэл тумэнгэ бахт тэ талано, мрэ чяёрья, — ракирава мэ.

Похаям. Ёнэ гынэ тэ урьенпэ, угынэ тэ баган,

По вавир дывэс сыр болыбнастыр пыя, явья кон-то, кхардэ ман, дыкхава бэшто пхуро рай, устя штэтостыр, подыя о васт мангэ, со-то пхэндя — на роскэдыём, чидя пашыл пэстэ, чидя бравинта, выпіём лэса, тэ думискирава пэскэ: треби тэ тырдав гэрой, нанэ, со тэ ракирав лэса, на полава лэскиро лав. Кхарла ман папаша...

Газдыёмпэ и унастѣм кэ пхуромны тэ па-сёвав.

По вавир дывэс устѣм чють свѣто, дыёмпэ ко кисето тэ лав кирки, дыкхава, чявалэ, мрэ пхуромня тэ гаравав, буде хоховава, сы пашло лылваро, тэ латхэл тумэн дэшатуны доля. Нэ роскэрдѣм, а одой уса шэлэнгирэ — сыр пласты. Давай тэ гинас пхуромняса... лыём дрэ ки-сык тэ чивав — навросэна. Дыём годлы прэ пху-ромнятэ.

— Ян патаво, да сыв кисык. Ёй сывэла, о васта издрана, явнэ чяя — санапэ.

— Дыхх, дадо, кин дуге грэн ваш амэнгэ, тэ коляска. Ту джяса э гаджеса, о рай бичявэла лэс дро бутярнэ кэ амэ,

— Со тумэ, мрэ чяёръя, палсо ада гаджэ?

— Адава адякэ треби, дадушко, а ту пэскэ кинэса ваврэн.

Устям по вавир дывэс жыко свэто. Явьём дэ шгуба, о чяя ракирна:

— На насвалыя ли, о раклоро. А мэ пэскэ думискирава, тэ лэл лэс о бэнг, промэкьём о тарго, э карэдын дья дро ди...

До куркито дывэс гьём екхджино, киндём дуге сывонэн. О рома дыкхэна прэ мандэ, а мэ пэскэ думискирава, мэ чинэл тумаро ди. Отпхандём коновязятыр, лыджява, напрогьём сыр паш вэрста — наке тукэ шынгало. — Тэрдёв, кало, яв ка пал мандэ. Яндя дрэ пхал, обродынэ ман, лынэ о сталя.

Закэдынэ и гэнчтэн. Сомас бэшло дро баро кхэр, а потом отдынэ дрэ сэндо. Сэндынэ дрэ чёрибэ адалэ дуге грэн. Мирэ папу и пропапу на чёрдэ., Полэса, чёрдэ сыс грая!. Сбичядэ, прэ бари. Бут менька прилыём. А дрэ адава моло и чяен бида латхья: рай прэ лэндэ тхоя чёроханэ ловэ, прогалынэ ваш адава и ёв сыс адякэ жэ сбичядо прэ бари.

Чяя, морэ, избалымэ сыс ранца. Латхнэ ваврэн, нэ адалэ уж лэн обхо адэ. Обкэдынэ саро барвалыпэн и чюрдынэ. Акана Палага выгыя пал романэчявэстэ, а Марьюшка закренцысалыя буйнонэ балваляса и на джинас сыр тэ рипирас: сыр муля или пало здровима.

ГРИШКО

Нэ добрыденте, ромалэ, бахт тэ талано тумэнгэ, кон лэла тэ гинэл ада чячипэ. Нэ ж кон лэла тэ шунэл одолэскэ ягвин палэ ушт.

Кэрдям э весна одо бэрш пашэ Восковя. Форицо на кя баро, нэ тэ зумавэс э ромненгэ екх миштыпэ. Джнянас пиро дачи янэнас ада хабэна, тэ латхэл тумэн тэ ман... Авья тэ лодэл дрэ адава жэ штэто ваврэ стронытко ром. Семья бари, сарэ нангэ. Лодынэ паш мири шатра.

Бельвеле бэшло сом пашэ яг, шунава кон-то одой кхэлла дрэ шатра прэ башады. Тэ сож, ромалэ-лэ, вылыя мро ило трупостыр, ясвин палэ ясвин потхадыя мрэ пхурэ якхэндыр. На вырикирдём, гыём дрэ шатра ко наджиндлэ рома. А кокоро пэскэ рикирава прэ годы: запьява э ромэса. Нэ сож, загыём, дыкхава пашэ ягори тыкно чяворо бэшло прэ вэдра тэ кхэлла, а вавир тыкндыр кэрла со попало.

Кай жэ о дад тэ дай,— мрэ чяворэ? — пучьём мэ чяворэндыр. Чяворо чюрдыя тэ кхэлэл.

— Одад лыджия э грэс ко паны э дромэстыр, а э дай гыя дрэ гав маро тэ мангэл.

— Бут жэ тукэ, мро чяворо, бэрша сы, тэ конжэ тут высклякирдя тэ кхэлэл адыкэ... На доду-

жакирдёмпэ мэ лэнгирэ дадэс, нэ одолэ поратыр
лыя тэ лодэл ваврэ стронько ром кхэтанэ амэнца.

* * *

На дэнас покоё ни раклорэ ни гадже, коли
ушунэнас Гришкоскиро кхэлыбэ. Скэдэнаспэ тол-
пэнца кэ шатра. Ада чяворо лымало тэ кало, сыр
вангар, кокоро шукинью, заморимэ бокхатыр.
Псирдя Гришко пиро дачи тэ кхэлэл. Обкрэнцы-
нэнас Гришкос раклорэ розпурадэ якхэнца, нэ а
Гришко облэлас э башады пэскирэ шукэ васто-
рэнца тэ дурьёла раклорэндыр, дари соб тэ на
выухтылэн башады.

Адыкэ Гришко дывэс пало дывэс псирлас пиро
гасы тэ кхэлэл. Уштэлас о Гришко порныцатыр
чють зоря и навымори о муй, джялас. На дэнас
э Гришкоскэ тэ высовэспэ. Гришкоскиро дад кот-
ляро э пхуранэ састырэндыр кэрлас пирья.

Чють зорица уштэлас Гришко, статьякирлас па-
нори прэяг, тэ чивэла котэр маро дрэ муй, попьела
панори и нашэлас башадыса пиро гасы, тэ дромэса
заджялас ко пастухо, саво ракхэлас гурувнен, ёв
дэлас лэскэ тэ пьел тхуд, тэ одотхыр джялас ду-
рыдыр.

* * *

Дро вэш шундло сыс чириклытко багибэ, под-
бэшэла Гришко. Закэрла пэскирэ якха записирна
дрэ шэро думы сыр кирмэ дрэ пхув. Состыр лэ-
скиро джиибэ нанэ адасаво, сыро одолэ ракло-
рэнгиро, савэ энакэ-ли тэрдэ пало брэзы. Хана
гудлыпэ каждо дывэс, а мэ сом бибахтало. Нанэ

про свѣто адасавѣ ваврѣс. Со жѣ банго саро джиибѣ тѣ пролыджял дрѣ шатра и тѣ лодѣл пиро свѣто бикхѣритконѣса. О Гришко зарундя и пѣскирѣ рискирдѣ баенца кхостя сарѣ зорьятыр калѣ якхорья. Екхвар Гришко загыя ко ром дрѣ шатра, дыкхѣла лѣскиро чяворо Федулка уридо сы дрѣ штиблѣты о холова длуга о дад са костя Федулкас.

— О комсомольцо сы мро чяво,—ракирдя прѣ Федулкастѣ дад, саро миштыпѣн амѣнгѣ авѣла адалѣстыр,—холясыя о дад. Кошнѣ Федулкас и рома.

— Сосуно бакро. Грѣнца лѣса тѣ тимисякирѣс. Мурш авѣса — окѣ. Нѣ сыр тѣ дживас ласа, коли тѣ кандѣс тут?

Дро форо нашты тѣ драбакирѣс ѣ ромненгѣ, тѣ чѣрѣс на приджяла, а о Федулка обрисия тѣ со-то дыя годла—на полыя Гришко.

Федулка комсомольцо,—думиндя Гришко, треби тѣ пучес со адава сы комсомольцо.

* * *

Екхвар Гришко гыя бельвеляса кхѣрѣ, дыкхѣла Федулка тховѣла пѣнты грѣскѣ. Подгыя Гришко пашыл тѣ лыя тѣ пучел.

— Пхѣн, Федулка, саво дынѣ адава тукѣ лав, комсомольцо? —Засандяпѣ Федулка. Комсомольцо, а ту Гришко пионероса авѣса. Тѣ дживѣс треби на адякѣ сыр амарѣ дада, савѣ блѣндысона пиро фѣлды тѣ тимисякирна ѣ грѣнца,—ракирдя Федулка. Пиро вавир дром треби амѣнгѣ тѣрнѣнгѣ тѣ джяс и тѣ тырдѣс сарѣ ромѣн. Авья Гришко кхѣрѣ тѣ змѣкья о шѣро прѣ колын, лыя тѣ ду-

минэл ваш Федулкаскирэ лава. Буглэс запья дрэ шэро дума ваш джиибэн кхэрэнца.

Собы тэ пириriskирэс пхэнорьякиро роибэ Гришкаскири дай дья лакэ чючи тэ пьел шукэ пэскирэ колынэстыр. А о пхуро дад Гришкаскиро пашло кэ яг, тырдэла кирки пипкатыр. Про болыбэ выгыя о чён, барэ чергэня хачёна сыр моля, запэнтымэ псирна пашэ шатра грая пиро чяр.

Прэ атасярла холямэ бисоибнаскирэ якхэнца э дай подыкхьэ прэ Гришкостэ.

Машкир ромэндэ джяла кошыбэ.

— Дыхх, савэ сапэс выбарьякирдя... Дад кошэла, а ёв лылорэса махинэ,— проракирдя э дай. О Гришко выухтя пэскирэ шатратыр чюрдыяпэ тэ шунэл кошыбэ. Гришкоскэ камьяпэ тэ обухтылэс Федулкас тэ пхэнэс лэскирэ пхурэ дадэскэ, со нанэ палсо лэс тэ кошэс, со Федулкаскирэ лава сы чячюнэ, тэ дьяпэ дошакэ, коли поддыкхья холямэ пэскирэ дакирэ калэ якха, чюрдыяпэ Гришко палэ кэ пэ дрэ шатра гарадыя палэ палатуны, нэ на загарадыя о Гришко, э дай ухтылдя лэс палэ психэ, тэ вытырдыя палатунятыр тэ кошыбнаса тэ арманенца протрадыя тэ дорэсэл пэскирэ кхэлыбнаса о гаспря.

Лья Гришко тэлэ пхак э башады тэ выгыя э шатратыр. Джяла дромэса о ясва якхэндыр тхадэна пиро шукэ калэ чямья. Жыко бельвель кхэлдя о Гришко ангил рангирэ штубы... Кай чюрдэна биш гаспря, кай трин. Жыко бельвель рангирэ раклорэ сандлэпэ прэ Гришкостэ палэ адава со ёв сы романо чяво. Кало, сыр вангар сыкадэла

Гришко машкир раклорэндэ, савэндэ э негатыр о муя захачинэ сыр кхам, Гришкостэ обрискирдэ холова, о гад лато прэ лато. О бала розтрёпимэ. Дэна годла раклорэ:

— Гришко скхэл, скхэл. Гришко холятыр хала пэскэ о ушта, камэл Гришко тэ малавэл э раклорэн холятыр, нэ нашты, дарлас-тэ на унашэл. Дур э шатрэндыр отгыя, а ловэ набут скэдыя.

* * *

Гришко гыя кэ шатра. Змэкьяпэ рат, Гришко ушундя раклорэнгири годла и адалэстыр сыго гарадыя пало брэза. Адава гынэ кхэрэ пионеры. Екх лэндыр поддыкхья Гришкос, сыр ёв гарадыя. Ёнэ подгынэ ко Гришко тэ заракирдэ. Нэ Гришкостэ э чиб страхатыр отल्याпэ. Обухтылдя э башады о муй палэ на дэла.

— Нандырша... Начилаваса... Катыр ту?..

— Шатрэндыр,— проракирдя Гришко. Тумэ на дыкхнэ мири шатра.

Заблэндысалыя, проракирдя екх раклоро; сыр жэ тэ явэс?.. Ласа пэса дро лагерё.

Шуко тыкно Гришкаскиро трупицо заиздрандыя тэ замулыя, страхатыр о гёра подпхадинэ.

— Тэ мараст тут на ласа, тэ ратькир явэн кэ амэ, а атасярла дрэ тыри шатра пролыджяса тут.

Здыяпэ про лава о Гришко, патяндыя раклорэнгэ.

— Авэн, Гришко.

Дыкхэнте лэстэ прэ гэрой рат.

— Яваса кхэрэ запхандаса,— проракирдэ раклорэ.

Дро лагерё радымаса чюрдыңепэ ко Гришко
раклорэ лынэ тэ розпучен—катыр яндлэ?..

— Латхьям дро вэш... Романо чяворо... Заблэн-
дымэ сыс, лыям лэс тэ яндям адарик.

— Чёро ро ёв тэ хал камэл.

— Чячё, чявалэ, тэ почяравэс лэс треби.

Ярми сыгыдыр,—пхэндя кон-то раклорэндяр,
тэ мас бугыр чинэн.

— Ха, Гришко, на ладжя,—ракирдэ раклорэ.

— Ту нандырша, рой дро васт, маро дро данда.

— Ха, ха, Гришко. Дандырдя, зажуискирдэ
жанды, а тыкнинька раклорэ яндлэ о бинто тэ
запхандэн Гришкаскэ гэрой. Нэ о пхурыдыр рак-
лоро дыяпэ прэ лэндэ:

— Треби тэ розморэн... Пирипхандлэ э гэрой.
Пириачья э дукх. На полэла о Гришко: адай рак-
лорэ ваврэ сы, на сана, на марнапэ.

— Прэ чяло кужум гынэ чялэ думы. Баяса
выкхостя ушта, ухтылдя пхурыдырэс раклорэс
пало васт.

— Наиста тукэ, чялыём, акана скхэлава тукэ.

Раклорэ лынэ тэ марэн дро васта.

— Гришко, скхэл, Гришко...

Бэшлэ сарэ пашыл яг. О Гришко машкирал.
Дыя о Гришку тэ кхэлэл прэ башады ваш о вэш,
ваш о балвал, тэ фэлдытко романо джиибэн,
утходя саро ди дрэ башады, зарундлэ о глося
башадякирэ, гара на кхэлдя адякэ Гришко, о якха
закэрдя. Взрипирдя о Гришко сыр лэскиро папу

ада гилори кхэдя бельвеленца дрэ шатра. О папу ракирдя Гришкоскэ.

— Кхэл, Гришко, кхэлыбнари явэса.

— Забистырдя о Гришко со ёв сы машкир раклорэндэ.

Пириачья Гришко и длэнго сыс тихима. Никоничи на ракирдя, сарэндэ сыс про муй сави-то дукх. Кон-то пхэндя:

— Лачи гилы, пхаро состыр то кэрлапэ. Тэ ровэс камэлапэ...

— Нэ акана скхэл, Гришко, вавир, на пхари, проракирдя грубинько раклорэ.

Гришко дья тэ кхэлэл джиды, весело гилори. Ачья сарэнгэ логкхо латыр, саро закэрэнцысалыя, закхэлдэ сарэ раклорэ.

— Эх, эх... Годласа кхэлдэ раклорэ.

А дурыдыр пашыл яг забагандлэ сарэ: „Мы молодая гвардия“...

— Дыхх, Гришко, сыр о пионеры дживэна. Тумэндэ дрэ шатра сы пионеры?..

— На, нанэ.

Нэ явэна,— пхэндя Гришкоскэ пхурэдыро пионеро.

Ушты прэ атасярла, Гришко здыкхья пашыл пэстэ... Пашлэ раклорэ, вздыкхья про болыбэ, взрипирдя пэскрэ да тэ дадэс. Танго лэскэ тэ розджалпэ раклорэнца, миштэс шукир ёнэ дживэна.

Гришкаскирэ калэ якхэндэр повиычидяпэ ясвин.

Аченпэ джидэ, пхэндя пирдал стасаде ушта сутэнгэ раклорэнгэ. Авэна кэ мэ, мэ тумэн адыакэ жэ зракхава э калэ ратятыр.

Унастя Гришко. Нэ шунэла кѳн тѳ дэла шоля палал. Обрисия Гришко дыкхэла пхурыдыр пионеро. Подгыя кэ Гришко тходя о васт про псико Гришкоскэ тэ ракирла.

— Палсо ту на хай тэ на пии уджяса амэндыр?

Катыр лыяпэ э Гришкостэ о рат, чурдыяпэ ко муй захачия э ладжятыр.

Нэ годявэр раклоро полыя со Гришко тырдэла гэрой кэ пэскири семья.

— Гришко шун со мэ тукэ пхэнава. Камэс мэ тут зачинава дро пионеры?

— Камам.

— Нэ так яв кэ амэ, тут приласа.

Подыя о васт раклоро Гришкоскэ простисалыя Гришко, прастындой мэкьяпэ кэ пэскири шатра. Бари рада Гришкостэ про ило.

Авья Гришко кхэрэ, э дай чурдыяпэ Гришкос тэ марэл.

Гришко розпхэндя э дакэ сыр ёв заблэндысалыя дрэ вэш. Нэ на пхэндя кай рат пролыджия здарандыя со, хаби, дай помарла лэс.

* * *

Гришко дрэ паш дывэс выгыя э шатрэндыр э башадяса тэлэ пхак. Нэ на гыя тэ кхэлэл пиро гасы, а загыя пало шатры, бэстя кэ пхагирды брэза, лыя тэ взрипирэл сыр багандлэ ада гожо гилы „Мы молодая гвардия“, взрипирдя Гришко. Сыр о пхурыдыр пионеро пучья лэс. Камэл ли ёв пионероса тэ авэл. Змэкья Гришко шэро думатыр, тэ кокоро пэскэ задыя годла.

— Камам, камам, заххэдэ Гришку ада гилори
ваш тэрны гвардия. На джинэл Гришко лава, нэ
башады кокори ракирла дро васта Гришкостэ.

Катыр на лыяпэ э дай. Чюрдыяпэ тэ кошэл
Гришкос, мэ тукэ джюклано мас, дава цыпа кунь
тэлэ.

— Пириячь пхуромны,— оттырдыя э Гришкос
Федулка. Ваврэн кош. Якха э Федулкастэ барэ тэ
камлэ, о васта зоралэ. Притасадыпэ Гришко кэ Фе-
дулка э страхатыр дакирэ марибнастыр. Тэ одо
дывэсэстыр о Гришко лыя тэ мангэл э Федулкас
тэ ракирэл вашэ пхув, сыр тэ бутякирэн бангэ амарэ
рома. И сыр тэ кэрэс соб рома чюрдынэ бибах-
тало джиибэ и сыр бы лэскэ тэ попэрэс дрэ пио-
неры.

ПХУРОРОМЭСКИРИ ПАРАМЫСЯ

Дрэ саро парно свѣто сыс дрэ вага тагари, кхарнас лѣс Микула. Ёв пѣскирѣ барвалыпнаса екх сыс,—э пхувьяса пѣскирьяса залѣлас екх шовто чясть прѣ саро крѣнгло шаро.

Нѣ жѣ лѣскири беда сыс дрѣ одова, со на джиндя тѣ рикир дрѣ пѣскирѣ васта пхув, тѣ ко одова на сыс барѣ годяса, сыс баро матымари. На проджялас екх дывѣс, собы ёв тѣ на явѣл мато. Матѣлас адыкѣ, со вылыджянас лѣс скаминдѣстыр про васта. На екхвар э тагарица дѣласпѣ э дошакѣ, сыр бы тѣ урикир лѣс пибнастыр. Приджяласпѣ лакѣ хындлы буты. Лыя э тагарица рат тѣ дывѣс тѣ мангѣлпѣ дѣвлѣскѣ, собы приавья дрѣ пѣстѣ лакиро ром — тагари Микула. Нѣ ничи на парудяпѣ дрѣ джиибѣ, буглыя пѣр и муй рашаскиро, саво сыс тѣрдо машкир тагарицатѣ тѣ дѣвлѣстѣ.

Екхвар екх свѣнто мануш или манушны потангискирдя тагарица, сави прѣ якха манушѣндѣ шутия пѣскирѣ думатыр и розпхѣндя, со одой кай заджяла кхам дживѣла екх свѣнто пхуроро, саво сы дрѣ зор тѣ поможынѣл лакирѣ менькакѣ. Гынѣ тѣ родѣн лѣс. На екх дывѣс тѣ курко про-

лыджиэ ёнэ дро дром, тэ на дрэ екх кхангири
поракирдэ э рашанца, нэ ни сыр тэ на латхэн
лэс. Екхвар попынэ ёнэ дрэ скито, одой сыс дэв-
лытко пхуроро. Псирлас ёв дрэ виригля, кокоро
пэс рахэлэс манушытконэ якхэндыр.

Дрэ пашдывэс удыкхья э тагарица ада пхуро-
рэс, поракирдя лэса, тэ ратяса о пхуроро кхэтанэ
э тагарицаса мэкьяпэ дрэ дром. Яндя тагарица
лэс кэ пэ дрэ дворцо. Тэ одо дывэсэстыр рат тэ
дывэс лья тэ мангэлпэ дэвлэскэ кхэтанэ пхуро-
рэса. Покамья тагарица э дэвлытконэ пхурорэс,
э чый тагарицакири прогалыя ваш адалэ пху-
рэскэ.

Тэ со лакири дай дывэс тэ рат пролыджяла
кхэтанэ пхурорэса. Закамья кокори тэ дыкхэл
пхурорэс, лья тэ мангэл э да, собы о дэвлытко
пхуроро тэ явэл кэ ёй, а э дай холясыя прэ латэ.
На камья собы пхуроро тэ уджял латыр криг.
Прогалыя кокоро дэвлытко пхуроро, со тагарица-
кири чый камэл тэ придэлпэ дэвлытконэ пху-
рорэскэ, сарэ дёса тэ мангэлпэ дэвлэскэ кхэтанэ.

Екхвар, коли тагарица засутя о пхуроро
чёрьялэс угыя кэ чый тэ жыко свето домангья-
пэ дэвлэскэ кхэтанэ тагарискирэ чяса.

Лынэ дрэ кхангири тэ марэн дрэ кудуни о
дэвлытко пхуроро выгыя э штубатыр аври. Гыя
тэ пасёл кхинэ кэ пэ дрэ штуба. Тэ адыкэ одо
дывэсэстыр тэлэ дэвлытко лав кхэтанэ тагарицаса
лыя тэ мангэлпэ э чый лакири.

Екхвар тагарица бэшлы сыс кхэтанэ пхуро-
рэса, лыджинэ машкир пэстэ о ракирибэ ваш

адава, сыр тэ савэ дэвлэстыр лэла тэ мангэл о пхуроро палэ кралистэ, а о пхуро ракирла:

— Мри тагарица, дэ мангэ трин дывэс тэ по-думискирав, сыр тэ мангав дэвлэс, тэ савэ дра-бэнца тэ вылыджяс лэскири дукх. Прогыя о трин дывэс, авья кэ тагарица куче лавэса.

— Мри тагарица, высастякирава трэ ромэс.

Э тагарица ухтылдя э дэвлытконэ пхурорэс палэ мэн, облыя лэс тэ ракирла.

— Мро пхуроро, дрэ тыри зор сы саро...

— Рипирава сыр акана, коли удыкхьём тут дрэ скито. Патяндыём со`ту мангэ авэса мануш пиро мро ило, савэса забистрава сари мри дукх.

— Нэ ракир жэ, савэ драба треби ваш мрэ ромэскэ?

— Мри тагарица, кя бут драба приджялапэ тэ рэсас. Тэ ёнэ на кя куч мол; дрэ тыро госу-дарство сы лэн бут,— адава сы манушытко мас, рат, илэ, тэ ясва. Нэ окэ сыр тэ дорэсэс?— адава сы вавир рэндо.

— Мандэ сы пашыл пшал, — проракирдя та-гарица, — бичявава мрэ ромэс кэ ёв, ёв лэс сык-лякирла сыр фэдыр тэ кэрэс.

Поракирдя э тагарица пхурорэса, тэ пирдал курко угыя о тагари кэ ромнякиро пшал. Бут дывэса гыя Микула кэ пэскиро шурино. Э музы-каса прилынэ лэн ваврэ форитка мануша, на джиндлэ савэ рэндоса авья крали Микула. Трин дывэс пинэ бравинта кралья, по штарто дывэс лынэ тэ зракирэнпэ. Пирдал чён угыя Микула пэскирэ шуриностыр. Авья кэ пэ дро государ-

ство, тэ прэ вавир жэ дывэс припхэндя тэ обли-
пинэ лылваренца сарэ форитка тэ гавитка вэнглы
ваш одова, со ёв откэрдя марибэ.

Лынэ тэ закэдэн пхурэн тэ тэрнэн манушэн
дрэ хэладэ, задья гондя э пхурдыны, рат тэ ды-
вэс традэна манушэн, а карик тэ палсо никон на
джинэла.

Зарундя э пхув, заиздрандыя э пхув, обчидяпэ
ратэса э чяр, рисяя паны ратэса, тасавэна ману-
шэн дрэ паня, хана пиро вэша рува манушытко
мас. Нанэ штэто прэ пхув, кай насыс бы прочидо
манушытко рат.

Ровэна форья, ровэна гава, нанэ семья, кай бы
на сыс хасимэ дада, чявэ тэ лшала, ровэла дад тэ
дай палэ чявэстэ, тэ ромны палэ ромэстэ, ха-
синэ манушытка шэрорэ, пьела рат о тагари,
хала мас манушытко, вытырдэла илэ трупос-
стыр.

Нэ нисо на поможынэла кралискэ.

Э дэвлытконэ манушэскэ набут рэндо, ёв ко-
коро чюрдыяпэ дрэ пибэ, лья тэ пьел рат и
дывэс барэ рангирэ ромненца дрэ куч ресто-
раны, а о барэ рангирэ ромня укамнэпэ дрэ зор,
сави на сыс лэнгирэ ромэндэ.

Екхвар попяя пхуроро кэ багибнаскирэ рома,
тэ вытрадэл э пэскири дума шэрэстыр — тэ за-
бистрэлпэ, пробагандлэ рома сари рат жыко зоря
пхурорэскэ. Матья пхуроро лья тэ чюрдэлпэ,
тэ облэл чяен, нэ о чяя на подмэкэнас кэ пэ тэ
бэшэл,

Холясыя пхуроро тэ ракирла:

— Мэ припхэнава тагарискэ тэ закэдэл тумарэ ромэн дрэ хэладэ. Здравандынэ лэскирэ мариб-нытконэ лавэндыр романэчяя, явнэ кхэрэ багип-настыр, розпхэндлэ сарэ ромэнгэ ваш пхурорэскирэ лава. Тэ прэ вавир жэ дывэс чюрдынэпэ рома тэ родэн годьварэ манушэс тэ кэрэн дош, собы тэ на лэн дрэ хэладэ. Ратяса тэ дывэсэнца родэнас ада манушэс. Тэ сыр дэвэл бичядя лэс э болыбнастыр латхнэ лэс—пашэ фелатин лодыя пэскирэ семьяса. Пэса сыс баро мурш. Ром ада-саво, со о свэто адасавэс на бияндя, пхагирлас васта сыр пряника ягвинытко. Коли джидо сы то пал лэскро миштыпэ тэ отшутён лэскирэ жэ васторэ тэ тэ выкирнён лэскирэ якхорья. Нэ коли жэ муло, то кило лэскэ дрэ шэро. Пхагирдя васторо на екхэ манушэскэ, тэ на екх мануш гыя про до свэто лэскирэ зракхибнастыр, тэ на екх мануш акана псирла пхагирдэ васторэса, збандькирдэ псикорэса. Нэ шукар, а со кэрланэ дурыдр ада дэвлытконэ пхурорэса?

Коли лыджияпэ марибэ, барэ рая на родынэ бангипэ прэ пхурорэстэ. Марибэ дыя лэнгэ екх кофо.

Ёнэ адай лэса сыс кхэтанэ. Чёрорэн манушэн, савэнгиро рат чидяпэ сыр паны, ёнэ на тангискирдэ. Ёнэ сыс ваш адава, тэ чяравэс пэскирэ масэнца, ратэса и ясвэнца ран. Нэ окэ э ромнен лэнгэ танго, ладжяво пал пэскиро бизорьякирибэ ангил пхурэ гаждестэ. Ёнэ заххардэ лэс кэ пэ харкунэ дёса, пынэ прэ лэстэ, умардэ, а трупэ змэкнэ дрэ паны. Баро камаибэ сыс та-

гарицатэ кэ пхуроро Ёй вылыя лэскиро трупо и тходя кэ пэскиро дворцо.

Нэ холы рангири сяс бари, крали сяс счюрдыно, рая инке рикирдэпэ и пэrvонэ лэнгирэ рэндоса сяс ада пхуроро. Вылынэ лэскиро трупо схачькирдэ лэс и прахо розвиискирдэ прэ штардрома.

Пирьячья тэ ракир нхурором пэскири парамыся. Шардэ рома, нэ устя екх тэрно чяво и пхэндя, состыр сяс создымо марибэ:

— Марибэн адава выгья адалэстыр, — ракирдя ёв, — со капиталисты заухтылдэ сарэ отачнэ строны собы тэ случькирэс одой манушэндыр цыпа и тэ создэс пэскэ барэ кофы. Кэ бэрша, коли создьяпэ марибэ, на сяс адасаво пхувьякиро котэр, саво бы на сяс заухтылдо дрэ капиталистэнгирэ васта. Лэндэ вавир дром, сыр тэ марэспэ екх екхэса, ваш адава собы тэ отмарэс екх екхэстыр пхув, сави банги сяс тэ газдэл лэнгирэ кофы, — на сяс. Окэ пирдал адава сяс создыно марибэ, саво обухтылдя, гин — со, саро свэто.

Бутярья тэло большевистско партиякиро вас пирипарудэ адава марибэ дрэ гражданско, счюрдынэ капиталистэн дрэ пэскири страна и лынэ власть дрэ пэскирэ васта.




СО СЫ ЧИНДЛО

	<i>Стр.</i>
Дуй ромня	3
О-раскиро подыпэ	12
Сувнакуно мачё	15
Гришко	21
Пхуроромэскири парамыся	30

Редактор *Панков*
 Техредактор *А. Кулакова*
 Обложка художн. *В. Хлебовского*

ОГИЗ № 106 хн-бв Тираж 3.000 Уполн. Главлита Б-21063
 Формат бумаги 72 X 93¹/₃₂ бум. листов 0,56 по 52+52 зн. Сдана
 в набор 15 июня 1932 г. Заказ № 834, подп. к печ. 19 сент 1932 г.



Цена 30 коп.

41322—


	Цыг.
	2.84

МИХ. ИЛЬИНСКО

БАРСКАЯ ПОДАЧКА
на цыганском языке

г.
84





	Цыг.
1	2-84